

## **BAB 8: MEMBINA KEMAKMURAN NEGARA**

### **8.1 Pembentukan Dasar Ekonomi Baru (DEB)**

Dasar Ekonomi Baru (DEB) dilaksanakan dalam tempoh 20 tahun bermula pada tahun 1970 hingga tahun 1990 sebagai rancangan pembangunan ekonomi dan perpaduan negara. DEB dilancarkan melalui Rangka Rancangan Jangka Panjang Pertama (RRJP1) yang merangkumi empat Rancangan Pembangunan Lima Tahun Malaysia. Dasar ini bertujuan memulihkan ketidakseimbangan sosioekonomi yang wujud antara kaum, antara wilayah dan antara kawasan dalam wilayah yang sama.

#### **Latar Belakang Pembentukan**

Majlis Perundingan Negara (MAPEN) ditubuhkan pada bulan Januari 1970. MAPEN dianggotai oleh pelbagai lapisan masyarakat. MAPEN ditubuhkan untuk mengadakan garis panduan bagi kerjasama antara kaum dan integrasi nasional untuk memupuk identiti kebangsaan dalam kalangan rakyat. Hasilnya, terbentuk satu dasar ekonomi negara yang dikenali sebagai DEB. Beberapa pakar ekonomi dari dalam dan luar negara diamanahkan untuk merancang dan merangka dasar berkenaan. Antara pakar yang terlibat termasuklah Dr. Rais Saniman (Malaysia), Dr. Just Faaland (Norway) dan Dr. Jack R. Parkinson (Britain).

#### **Matlamat Dasar Ekonomi Baru (DEB)**

Matlamat DEB adalah untuk mencapai perpaduan dan kesejahteraan kaum dengan menggunakan strategi bersifat serampang dua mata.

#### **Strategi Dasar Ekonomi Baru (DEB)**

- i. Membasmi kemiskinan dengan menambahkan pendapatan dan memperbanyak peluang pekerjaan kepada rakyat tanpa mengira kaum.
- ii. Menyusun semula masyarakat untuk mengurangkan dan menghapuskan

pengenalan kaum mengikut fungsi ekonomi.

### **Isu Sosioekonomi**

- i. Jurang sosioekonomi antara bumiputera dengan bukan bumiputera.
- ii. Jurang sosioekonomi antara masyarakat desa dengan bandar.
- iii. Jurang sosioekonomi antara pantai timur dengan pantai barat.
- iv. Jurang sosioekonomi antara negeri.

### **8.2 Pelaksanaan Dasar Ekonomi Baru (DEB)**

Dasar Ekonomi Baru (DEB) dilaksanakan dengan menggunakan beberapa pendekatan bertujuan melahirkan masyarakat yang bersatu padu melalui agihan ekonomi yang seimbang. Beberapa langkah dilaksanakan berkaitan dengan usaha membasmi kemiskinan dan menyusun semula masyarakat. Antaranya termasuklah meningkatkan taraf hidup rakyat, memperkenalkan Rancangan Buku Hijau, memperkasakan peranan agensi kerajaan, pembangunan tanah oleh FELDA, pembangunan wilayah, pemilikan modal saham, pengenalan Industri Kecil dan Sederhana (IKS) dan pendidikan untuk tenaga kerja mahir.

#### **Meningkatkan Taraf Hidup Rakyat**

Rancangan meningkatkan taraf hidup melibatkan penduduk di luar bandar dan di bandar.

#### **Luar Bandar**

Tumpuan diberikan kepada penduduk miskin yang terdiri daripada petani, pekebun getah dan kelapa, nelayan, buruh dan penduduk kampung baharu.

- Usaha pembangunan dilakukan menerusi kegiatan Gerakan Koperasi yang sedia ada di luar bandar.
- Program yang dilaksanakan termasuklah penerokaan tanah baharu, bantuan

peralatan pertanian, khidmat nasihat, subsidi benih dan baja, kemudahan kredit, pemasaran dan pusat kemajuan peladang.

### **Bandar**

Penduduk di bandar pula menghadapi kemiskinan disebabkan pendapatan yang rendah dan masalah perumahan.

- Usaha dilakukan oleh kerajaan untuk memajukan pelbagai jenis perindustrian dan perniagaan yang membuka peluang pekerjaan lebih banyak dan meningkatkan pendapatan golongan miskin pelbagai kaum.
- Golongan ini juga disediakan dengan kemudahan asas seperti pendidikan, bekalan air dan elektrik, jalan raya, bantuan biasiswa dan buku teks percuma, makanan tambahan kepada kanak-kanak dan program rumah murah.

### **Rancangan Buku Hijau**

Rancangan Buku Hijau peringkat kebangsaan telah dilancarkan oleh Tun Abdul Razak Hussein pada 20 Disember 1974.

- Matlamat rancangan ini untuk menambahkan pendapatan rakyat dan pengeluaran bahan makanan supaya cukup untuk keperluan negara.
- Rancangan ini memberikan tumpuan kepada penggunaan tanah yang sepenuhnya.
- Mengusahakan tanah dengan tanaman jangka pendek, perkebunan berkelompok, penternakan, pemasaran yang baik dan projek kecil yang lain.

### **Peranan Agensi Kerajaan**

Beberapa agensi kerajaan ditubuhkan untuk mempelbagaikan kegiatan ekonomi yang boleh menambahkan pendapatarr rakyat dan membuka peluang pekerjaan yang lebih banyak untuk semua kaum. Agensi ini juga memberikan bantuan dari segi peralatan, biji benih, kemudahan pinjaman dan khidmat

nasihat. Antara agensi tersebut termasuklah Lembaga Beras dan Padi Negara (LPN), Lembaga Pertubuhan Peladang (LPP), Lembaga Kemajuan Ikan Malaysia (LKIM) dan Rubber Industry Smallholders Development Authority (RISDA) atau dikenali sebagai Pihak Berkuasa Kemajuan Pekebun Kecil Perusahaan Getah.

### **Lembaga Kemajuan Ikan Malaysia (LKIM)**

- Ditubuhkan pada tahun 1971 untuk meningkatkan taraf hidup nelayan dan memodenkan industry perikanan.

### **Lembaga Pertubuhan Peladang (LPP)**

- Ditubuhkan pada tahun 1973 untuk membantu pekebun kecil, petani dan peladang yang terlibat dalam kegiatan koperasi

### **Lembaga Beras dan Padi Negara (LPN)**

- Ditubuhkan pada tahun 1971 untuk mengawal selia sector padi dan beras serta menstabilkan harga padi. Pada tahun 1994 dikenali sebagai Beras Nasional (BERNAS)

### **Pihak Berkuasa Kemajuan Pekebun Kecil Perusahaan Getah (RISDA)**

- Ditubuhkan pada tahun 1973 untuk membantu dalam penyelidikan dan penanaman semula getah

### **Lembaga Kemajuan Tanah Persekutuan (FELDA) dan Pembangunan Tanah**

Pembukaan tanah baharu untuk pertanian dilakukan secara teratur di bawah FELDA. Penduduk luar bandar yang miskin dipindahkan ke kawasan FELDA yang baru dibangunkan.

- Mereka diberi tanah seluas 10 ekar untuk diusahakan dengan tanaman kelapa sawit, getah dan rumah kediaman.
- Selain itu, terdapat kemudahan lain seperti klinik, sekolah, pengangkutan dan

koperasi FELDA yang dapat mengubah taraf hidup mereka.

- FELDA juga menjalinkan kerjasama dengan kerajaan negeri bagi meneroka pembukaan tanah baharu untuk pertanian.
- Di Sabah, kerjasama FELDA dengan Yayasan Sabah telah membawa kepada pembukaan Felda Wilayah Sahabat (Lahad Datu) dan Felda Umas (Tawau).
- FELDA juga mengadakan kerjasama dengan Sarawak melalui Sarawak Land Consolidation and Rehabilitation Authority (SALCRA) untuk pembukaan ladang kelapa sawit.

Skim peneroka FELDA tidak hanya dikhaskan untuk membantu bumiputera. Kaum Cina dan India juga diberi peluang oleh FELDA untuk menjadi peneroka. Terdapat beberapa buah FELDA yang menerima peneroka pelbagai kaum seperti di Felda Lurah Bilut (Pahang), Felda Keratong (Pahang) dan Felda Sendayan (Negeri Sembilan).

### **Pembangunan Wilayah**

Program pembangunan wilayah dijalankan dengan pembukaan tanah untuk industri getah dan kelapa sawit.

- Lembaga Kemajuan Johor Tenggara (KEJORA).
- Lembaga Kemajuan Terengganu Tengah (KETENGAH).
- Lembaga Kemajuan Pahang Tenggara (DARA).
- Lembaga Kemajuan Kelantan Selatan (KESEDAR).

Urban Development Authority (UDA) atau dikenali sebagai Perbadanan Pembangunan Bandar ditubuhkan pada tahun 1971 yang berperanan dalam sektor pembangunan industri dan pembangunan bandar baharu. Antaranya termasuklah pembukaan bandar baharu dan kawasan perindustrian di Bandar Tun Hussein Onn (Cheras) dan Bandar Baru Uda (Skudai).

### **Pemilikan Modal Saham**

Kaum bumiputera ketinggalan dalam pemilikan saham syarikat perdagangan. Keadaan ini mewujudkan perbezaan dari segi taraf hidup dan jumlah pendapatan antara kaum bumiputera dengan bukan bumiputera.

- Usaha dilakukan untuk menambah pemilikan modal saham bumiputera dalam sektor korporat bagi mewujudkan Masyarakat Perdagangan dan Perindustrian Bumiputera (MPPB) melalui penubuhan Permodalan Nasional Berhad (PNB) pada 17 Mac 1978.
- Amanah Saham Nasional (ASN) dan Amanah Saham Bumiputera (ASB) dilancarkan untuk memudahkan kaum bumiputera memiliki saham dalam syarikat berhad.
- Kaum bukan bumiputera turut diberi peluang dalam pemilikan modal saham dengan pengenalan Amanah Saham Malaysia.

### **Pengenalan Industri Kecil dan Sederhana (IKS)**

Industri kecil dan sederhana merujuk industri pembuatan barangan menggunakan modal yang kecil dan tenaga kerja yang tidak ramai. Rakyat diberi peluang mengusahakan industri desa serta IKS. Usaha ini bagi memperbaiki taraf hidup rakyat serta menambah daya pengeluaran dan pendapatan

- Industri ini meliputi kraf tangan, makanan, pakaian dan inap desa.
- Antara IKS yang berjaya termasuklah Best Farm Co., Nurul Food Industry Enterprise, Ramly Food Processing Sendirian Berhad dan Faiza Marketing Sendirian Berhad.
- Pinjaman, insentif dan nasihat diberikan melalui Bank Bumiputra (1965), Perbadanan Nasional Berhad (1969), Bank Pertanian Malaysia (1969) yang kini dikenali sebagai Agrobank, Skim Pinjaman Khas Pertanian (1970) dan Amanah Ikhtiar Malaysia (1987).

Hasilnya, muncul ramai usahawan muda yang dapat menyumbang kepada pembangunan masyarakat dan negara.

### **Pendidikan Tenaga Kerja Mahir**

Kerajaan mengambil langkah untuk melahirkan tenaga kerja mahir yang mampu menampung keperluan dalam bidang pertanian dan perindustrian.

- Asas kepada latihan kemahiran ini diberikan sejak di bangku sekolah melalui mata pelajaran Kemahiran Hidup.
- Pendidikan menengah atas dibahagikan kepada duajurusan, iaitu akademik dan vokasional.
- Bagi memenuhi keperluan ini, sekolah teknik dan vokasional, Maktab Perguruan Teknik, politeknik, Universiti Teknologi Malaysia dan Uiversiti (Institut)Teknologi Maraditubuhkan.
- Kursus kemahiran ditawarkan dalam pelbagai bidang untuk menampung permintaan terhadap tenaga kerja mahir.

Kesannya, pekerja mahir dapat meningkatkan taraf hidup dan pendapatan melalui kemahiran yang dimiliki.

Semua langkah yang dilaksanakan bertujuan membasmi kemiskinan dan menyusun semulamasyarakat untuk mencapai matlamat perpaduan negara. Segala program pembangunan yang dilaksanakan seiring dengan penjagaan alam sekitar negara kita. Kita perlu meningkatkan taraf hidup demi kemakmuran negara.

### **8.3 Pembentukan Dasar Pembangunan Nasional (DPN)**

Rangka Rancangan Jangka Panjang Pertama (RRJP1) dan DEB berakhir pada tahun 1990. Dalam tempoh pelaksanaan DEB (1970-1990), ekonomi Malaysia berkembang dengan pesatnya. Kejayaan menyeluruh yang telah dicapai memerlukan masa yang lebih lama untuk menampakkan hasil yang berkesan. Usaha yang dilaksanakan melalui DEB diteruskan pula oleh DPN.

### **Latar Belakang Pembentukan**

Dasar Pembangunan Nasional (DPN) dilancarkan oleh Tun Dr. Mahathir Mohamad, Perdana Menteri Malaysia keempat pada 17 Jun 1991. DPN merupakan kesinambungan DEB yang dirangka untuk tempoh 10 tahun (1991-2000) melalui Rangka Rancangan Jangka Panjang Kedua (RRJP2). DPN merupakan usaha untuk menjadikan Malaysia sebuah negara maju berdasarkan Wawasan 2020.

### **Matlamat Dasar Pembangunan Nasional (DPN)**

Matlamat DPN adalah untuk mencapai perpaduan negara melalui pengagihan kekayaan. Matlamat ini dapat dicapai melalui pembangunan seimbang antara negeri dan antara bandar dengan luar bandar melalui beberapa aspek. Matlamat DPN dilaksanakan melalui Rancangan Malaysia Keenam dan Rancangan Malaysia Ketujuh.

### **Objektif Dasar Pembangunan Nasional (DPN)**

Objektif DPN adalah untuk mewujudkan masyarakat yang bersatu padu dengan memperkukuh kestabilan sosial dan politik serta mengekalkan pembangunan ekonomi yang berterusan. DPN menetapkan langkah ke arah membolehkan Malaysia mencapai taraf negara yang maju dalam semua aspek seperti keadilan sosial, nilai, etika dan moral, kestabilan politik, kualiti hidup, kecekapan pentadbiran kerajaan serta kecemerlangan ekonomi.

### **Strategi Dasar Pembangunan Nasional (DPN)**

Dasar Pembangunan Nasional (DPN) menggunakan beberapa strategi yang merangkumi bidang ekonomi, sosial serta pembangunan kemudahan fizikal untuk meneruskan usaha membasmi kemiskinan dan menyusun semula masyarakat.

### **Ekonomi**

- Pelibatan aktif pihak swasta dalam pembangunan ekonomi negara.
- Melaksanakan program penanaman semula.
- Penggunaan sains dan teknologi.
- Meningkatkan pemilikan saham bumiputera.

### Sosial

- Memberikan insentif serta kemudahan pendidikan untuk kemajuan masyarakat miskin tanpa mengira kaum.
- Mewujudkan masyarakat perdagangan dan perindustrian bumiputera.
- Membentuk masyarakat yang berdisiplin dan progresif.

### Kemudahan Fizikal dan Alam Sekitar

- Menyediakan dan menambah baik kemudahan asas.
- Pembangunan mapan tanpa mengabaikan alam sekitar.

## 8.4 Pelaksanaan Dasar Pembangunan Nasional (DPN)

Strategi asas DEB diteruskan dalam pelaksanaan DPN, iaitu membasmi kemiskinan serta menyusun semula masyarakat untuk memperbaiki ketidakseimbangan sosial dan ekonomi antara kaum. Pelaksanaan DPN juga dilakukan melalui pemilikan modal saham dan pembangunan wilayah.

### Pembasmian Kemiskinan

Kerajaan meneruskan usaha untuk menghapuskan kemiskinan tegar dalam kalangan pelbagai kaum khususnya golongan bumiputera.

- Pemberian subsidi dan sokongan diteruskan kepada golongan penanam padi dan nelayan. Tumpuan diberikan kearah mempertingkatkan produktiviti pengeluaran mereka.

- Golongan belia pula diberi latihan di agensi kerajaan seperti Pusat Latihan Kemahiran Giatmara dan Institut Latihan Perindustrian (ILP) bagi membolehkan mereka mendapatkan kerja yang berkaitan dengan kemahiran dan berpendapatan tinggi.

### Penyusunan Semula Masyarakat

Langkah menyusun semula masyarakat dilakukan dengan pembentukan Masyarakat Perdagangan dan Perindustrian Bumiputera (MPPB). Hal ini bertepatan dengan Perlembagaan Persekutuan (Perkara 153).

- Meningkatkan tenaga kerja dan penyertaan bumiputera dalam pengurusan sektor moden seperti pembuatan dan perkhidmatan.
- Latihan dalam bidang pengurusan harta dan etika perniagaan diberikan oleh agensi kerajaan.
- Pemberian kontrak, kuota dan lesen kepada perniagaan milik bumiputera dan syarikat usaha sama dengan bukan bumiputera turut dilaksanakan.
- Perhatian khusus diberikan kepada penyertaan bumiputera dalam IKS.
- Usaha sama secara aktif antara bumiputera dengan bukan bumiputera digalakkan untuk membolehkan syarikat bumiputera meningkatkan prospek perniagaan.
- Bagi membolehkan bumiputera bersaing dalam perniagaan moden, mereka akan didedahkan dengan teknologi terbaru, dt. samping kemudahan modal, maklumat pasaran dan hubungan perniagaan dalam pasaran antarabangsa.

Matlamat penyusunan semula masyarakat akan memastikan corak tenaga kerja di pelbagai sektor dan pekerjaan dalam ekonomi bagi mencerminkan komposisi pelbagai kaum dalam negara.

### Penyusunan Semula Modal Saham

Penyusunan semula modal saham dalam sektor korporat terus dilaksanakan di bawah DPN. Langkah ini dibuat supaya bahagian saham kaum bumiputera dapat dipertingkatkan selaras dengan matlamat asal DEB bagi mencapai sekurang-kurangnya 30 peratus dalam pemilikan, penguasaan dan pengurusan sektor moden. Tindakan akan diambil melalui program penswastaan bagi memperuntukkan sejumlah saham untuk projek yang diswastakan kepada bumiputera. Penswastaan syarikat perniagaan milik agensi amanah yang dikhaskan untuk bumiputera seperti yang berikut:

- Majlis Amanah Rakyat (MARA).
- Perbadanan Nasional Berhad (PERNAS).
- Perbadanan Kemajuan Ekonomi Negeri (PKEN).

Pada masa yang sama, kaum bukan bumiputera diberi peluang untuk menyertai projek penswastaan.

### **Pembangunan Wilayah**

Kerajaan meneruskan rancangan pembangunan wilayah untuk meningkatkan integrasi ekonomi yang saling melengkapi antara negeri. Usaha memperbaiki ketidakseimbangan pembangunan wilayah memudahkan pencapaian kesamarataan pendapatan antara kaum di negara ini.

- Malaysian Agricultural Research and Development Institute - MARDI (Institut Penyelidikan dan Kemajuan Pertanian Malaysia) ditingkatkan.
- Konsep pertanian pintar digunakan untuk meningkatkan hasil pertanian.
- Penyebaran industri terpilih digalakkan dengan mendorong sektor swasta menempatkan semula kilang tambahan di negeri yang kurang maju dengan kemudahan fizikal, pendidikan, kesihatan dan perumahan. Kawasan-kawasan ini akan menjadi pusat pertumbuhan baharu ekonomi yang dapat menyumbang kepada pembangunan wilayah.

Pelaksanaan DPN telah meningkatkan taraf hidup rakyat. Penggunaan teknologi moden mampu meningkatkan pengeluaran dalam pelbagai bidang ekonomi. Seiring dengan ini, berlaku kemajuan dalam pembinaan kemudahan awam untuk kesejahteraan rakyat. Kita mempunyai tanggungjawab untuk menghargai dan menjaga harta awam tersebut. Rakyat perlu menjaga kelestarian alam sekitar bagi mewujudkan negara yang harmoni dan indah.

### **8.5 Pencapaian Dasar Ekonomi Baru (DEB) dan Dasar Pembangunan Nasional (DPN)**

Pelaksanaan DEB dan DPN membawa perubahan kepada kemajuan ekonomi serta taraf hidup penduduk. Pencapaian kedua-dua dasar ini dapat dilihat dari aspek sosial dan ekonomi.

#### **Aspek Sosial**

Pencapaian dari aspek sosial dapat dilihat dari segi penurunan kadar kemiskinan, peningkatan kualiti hidup, kemunculan golongan pertengahan, masyarakat perdagangan dan perindustrian bumiputera. Selain itu, pencapaiannya juga meliputi pembangunan pendidikan, perkembangan sistem pengangkutan dan perhubungan serta perkembangan bandar baharu.

#### **Penurunan Kadar Kemiskinan**

Kadar kemiskinan di Malaysia berjaya dikurangkan. Usaha kerajaan mempelbagaikan kegiatan ekonomi membuka peluang pekerjaan dan menambah pendapatan isi rumah yang melibatkan semua kaum. Kerajaan juga menambah baik peluang untuk rakyat mendapatkan kemudahan awam yang dapat meningkatkan taraf dan kualiti hidup.

Keperluan tenaga kerja dalam bidang pertanian dan perindustrian dapat mengurangkan masalah pengangguran dan kadar kemiskinan rakyat.

- Pelaksanaan DEB menyebabkan kadar kemiskinan penduduk dapat dikurangkan daripada 49.3 peratus pada tahun 1970 kepada 17.1 peratus pada tahun 1990.
- Pelaksanaan DPN pula mengurangkan kadar kemiskinan kepada 7.2 peratus pada tahun 2000.

### **Peningkatan Kualiti Hidup**

Pertumbuhan ekonomi dan peningkatan pendapatan menyebabkan kualiti hidup rakyat meningkat. Hal ini dapat dilihat dari aspek peningkatan tahap kesihatan rakyat yang semakin baik. Begitu juga dari aspek pendidikan, pemilikan barang keperluan asas dan penyediaan infrastruktur seperti hospital dan klinik untuk keperluan rakyat. Kualiti hidup menunjukkan kesejahteraan rakyat dan kemakmuran negara semakin baik selepas tahun 1990.

### **Kemunculan Golongan Pertengahan**

Dasar Ekonomi Baru (DEB) dan DPN berjaya meningkatkan penyertaan bumiputera dan bukan bumiputera dalam pekerjaan di bandar dengan kewujudan masyarakat baharu yang terdiri daripada golongan profesional, pemodal, teknikal, pentadbiran dan pengurusan.

- Perkembangan ekonomi menyebabkan keperluan terhadap bidang kerja ini semakin meningkat.
- Mereka dianggap sebagai golongan pertengahan dalam masyarakat.
- Kemunculan golongan ini menunjukkan dasar ekonomi yang dilaksanakan oleh kerajaan dan pihak swasta memberikan kesan terhadap peningkatan taraf hidup rakyat.
- Masyarakat baharu ini juga memberikan sumbangan yang besar kepada pendapatan dan kemakmuran negara.

### **Masyarakat Perdagangan dan Perindustrian Bumiputera**

Masyarakat Perdagangan dan Perindustrian Bumiputera diwujudkan melalui DEB dan DPN yang bergiat dalam pelbagai bidang ekonomi.

- Golongan ini membentuk kelas bumiputera komersial yang melibatkan diri dalam sektor korporat.
- Muncul tokoh bumiputera dalam bidang perbankan, pemodal saham, pemilik syarikat, pemilik pelabuhan dan usahawan muda.
- Kemunculan golongan ini turut memberikan faedah kepada peningkatan taraf hidup golongan miskin dengan tawaran pekerjaan dalam syarikat dan industri yang dimiliki oleh golongan ini.

### **Pembangunan pendidikan**

Pembangunan pendidikan berlaku seiring dengan pembangunan ekonomi. Pembangunan ekonomi memerlukan tenaga kerja mahir yang berpendidikan.

- Selepas tahun 1990, berlaku pertumbuhan institusi pendidikan di bawah kelolaan pihak kerajaan dan swasta.
- Pada masa yang sama, muncul graduan dalam bidang sains, teknologi dan teknikal.
- Kebolehan dalam bidang ini amat diperlukan kerana permintaan yang tinggi dalam bidang perindustrian dan k-ekonomi.
- Pendidikan tinggi juga memperbaiki taraf hidup rakyat Malaysia.

### **Pengangkutan dan Perhubungan**

Pembangunan ekonomi memberikan kesan terhadap pemodenan pengangkutan awam. Pelaburan dibuat oleh pihak kerajaan dan swasta dalam bidang pengangkutan untuk memenuhi keperluan perindustrian serta perdagangan.

Jaringan sistem jalan raya, pengangkutan udara, kereta api dan pelabuhan yang moden merancakkan aktiviti ekonomi negara termasuklah ke kawasan pedalaman.

Sistem pengangkutan juga memudahkan proses integrasi antara Semenanjung Malaysia dengan Sarawak dan Sabah.

### **Perkembangan Wilayah**

Perkembangan ekonomi melalui DEB dan DPN menyebabkan kemunculan beberapa bandar baharu. Antaranya termasuklah Felda Segitiga Jengka yang berkembang daripada sebuah tanah rancangan FELDA menjadi sebuah bandar. Bandar ini kemudiannya dikenali sebagai Bandar Tun Abdul Razak pada 7 Julai 2011.

- Jengka ditubuhkan melalui projek Segitiga Jengka oleh FELDA. Nama Segitiga Jengka digunakan dengan mengambil kira lokasi Jengka yang terletak di antara tiga daerah, iaitu Temerloh, Maran dan Jerantut.
- Pelbagai kemudahan perkhidmatan disediakan seperti pejabat pos, hospital, bank, institusi pendidikan, stadium mini, pusat perniagaan dan pejabat pentadbiran kerajaan.
- Terdapat kilang yang beroperasi di kawasan perindustrian di bandar ini seperti Kilang Alps, Kilang Bimbingan Bank Pembangunan serta bengkel kereta dan motor.

### **Aspek Ekonomi**

Dasar Ekonomi Baru (DEB) dan DPN juga membawa perubahan dari aspek ekonomi. Kedua-dua dasar ini menyebabkan berlaku perkembangan dalam perindustrian dan perdagangan yang meningkatkan kestabilan ekonomi negara. Perkembangan ini berasaskan perindustrian berteknologi tinggi, perkembangan kawasan perindustrian baharu dan industri kereta nasional.

### **Perindustrian Berteknologi Tinggi**

Mulai tahun 1980-an, program perindustrian negara mengalami satu lagi perkembangan, iaitu industri berat yang bertujuan memperkukuh asas perindustrian negara

dan menambahkan kemahiran rakyat dalam bidang teknologi yang lebih tinggi.

- Perindustrian ini melibatkan penggunaan moden yang memerlukan kemahiran tinggi dan modal yang besar.
- Industri teknologi tinggi dikendalikan oleh The Heavy Industries Corporation of Malaysia Berhad (HICOM) yang ditubuhkan pada tahun 1980.
- Antara projek yang dilaksanakan termasuklah membaiki kapal (Limbungan Pasir Gudang, Johor), besi dan keluli (Perai, Pulau Pinang dan Teluk Kalung, Terengganu), loji gas cecair (Bintulu, Sarawak), stesen janakuasa (Raub, Pahang), kilang penapis petroleum (Kerteh; Lutong dan Port Dickson) dan satelit komunikasi.

### **Kawasan Perindustrian Baharu**

Pelaksanaan DEB dan DPN mewujudkan pelbagai bentuk kawasan perindustrian. Antaranya termasuklah estet perindustrian, zon perindustrian bebas dan taman teknologi industri. Rasional pembentukan kawasan perindustrian ialah berdekatan dengan sumber bahan mentah, infrastruktur dan bekalan buruh yang mencukupi. Di samping itu, kawasan ini membantu pembangunan ekonomi di kawasan sekitarnya yang kurang maju serta menambah pelaburan modal dari dalam dan luar negara.

### **Estet Perindustrian**

- Estet perindustrian-dibangunkan oleh Perbadanan Kemajuan Ekonomi Negeri (PKEN), Pihak Berkuasa Pembangunan Wilayah dan pihak swasta.
- Kawasan ini dibangunkan sebagai bandar terancang yang mengandungi kawasan perumahan, pusat perniagaan dan perindustrian serta pusat rekreasi.

### **Taman Teknologi Perindustrian**

- Taman teknologi perindustrian merupakan pusat penyelidikan dan pembangunan industri Pusat ini di bawah



Kementerian Sains, Teknologi dan Inovasi Malaysia.

- Kementerian ini dipertanggungjawabkan untuk menjalankan penyelidikan dan inovasi bagi membangunkan teknologi perindustrian.

### **Zon Perindustrian Bebas**

- Zon Perindustrian Bebas merupakan kawasan perdagangan yang diberi pelepasan cukai atau tarif sebagai insentif.
- Tujuannya menarik pengusaha melabur dan merangsang ekonomi kawasan sekitarnya.
- Kawasan ini sering digunakan oleh syarikat multinasional seperti Sime Darby Berhad, Axiata Group Berhad dan Proton Holdings Berhad untuk menjalankan aktiviti perniagaan dan perdagangan.

### **Kenderaan Buatan Malaysia**

Penubuhan HICOM dan Kajian Dasar Perindustrian Malaysia pada tahun 1983 telah menggalakkan pertumbuhan industri kereta dan motosikal buatan Malaysia.

- Industri kereta tempatan dipelopori oleh Perusahaan Otomobil Nasional (PROTON) dan Perusahaan Otomobil Kedua (PERODUA). PROTON ditubuhkan pada 7 Mei 1983 manakala PERODUA pula ditubuhkan pada tahun 1993.
- Motosikal dan Enjin Nasional Sdn. Bhd. (MODENAS) merupakan syarikat pengeluar motosikal nasional yang menghasilkan pelbagai model motosikal kecil 200 cc untuk pasaran tempatan dan antarabangsa.
- Perusahaan kereta dan motosikal nasional membuka peluang pekerjaan untuk tenaga kerja yang terdiri daripada rakyat berbilang kaum di negara ini. Langkah ini dapat meningkatkan pendapatan rakyat dan taraf hidup masyarakat.

**Bahagian A: Soalan Objektif**

1. Dasar Ekonomi Baru (DEB) dilaksanakan dalam tempoh 20 tahun bermula pada tahun 1970 hingga tahun 1990 bertujuan

- ms 166
- A memupuk identiti kebangsaan dalam kalangan rakyat
  - B memulihkan ketidakseimbangan sosioekonomi
  - C menghapuskan pengenalan kaum mengikut fungsi ekonomi.
  - D mencapai perpaduan dan kesejahteraan kaum

2. Apakah tujuan Majlis Perundingan Negara (MAPEN) ditubuhkan pada bulan Januari 1970?

- ms 166
- A Memupuk identiti kebangsaan dalam kalangan rakyat
  - B Memperbanyak peluang pekerjaan kepada rakyat
  - C Membasmi kemiskinan dengan menambahkan pendapatan
  - D Memperkasakan peranan agensi kerajaan

3. Antara tokoh yang terlibat diamanahkan untuk merancang dan merangka Dasar Ekonomi Baru (DEB)

- ms 166
- I. Tun Haji Abdul Razak Hussein
  - II. Tun Dr. Ismail Abd. Rahman
  - III. Dr. Jack R. Parkinson
  - IV. Dr. Rais Saniman
- A I dan II
  - B I dan IV
  - C II dan III
  - D III dan IV

4. Ucapan berikut adalah dari seorang tokoh ketika pelancaran DEB.

DEB bertujuan membasmi kemiskinan dan menyusun semula masyarakat dengan memberi peluang kepada rakyat menikmati kemakmuran negara dengan adil dan saksama

Siapakah tokoh tersebut?

- ms 167
- A Tun Saadon bin Jubir
  - B Tun Abdul Razak Hussein
  - C Tunku Abdul Rahman Putra

D Tun Dr. Ismail Abdul Rahman

5. Antara isu yang wujud ketika Dasar Ekonomi Baru dilancarkan ialah

- ms 167
- A pengenalan kaum mengikut fungsi ekonomi
  - B memperkasakan peranan agensi kerajaan
  - C Jurang sosioekonomi antara negeri
  - D .kerjasama antara kaum dan integrasi nasional

6. Matlamat DEB adalah untuk mencapai perpaduan dan kesejahteraan kaum dengan menggunakan strategi bersifat serampang dua mata.

- ms 167
- Antara strategi tersebut ialah
- I. Membasmi kemiskinan
  - II. Menyusun semula masyarakat
  - III. Mewujudkan perpaduan rakyat
  - IV. Membangunkan kawasan luar bandar
- A I dan II
  - B I dan IV
  - C II dan III
  - D III dan IV

7. Antara langkah yang dilaksanakan sebagai usaha membasmi kemiskinan dalam DEB ialah

- ms 168
- I. menyediakan peluang pekerjaan
  - II. menambah pendapatan petani
  - III. pemilikan modal saham
  - IV. pembangunan wilayah
- A I dan II
  - B I dan IV
  - C II dan III
  - D III dan IV

8. Apakah program yang dilaksanakan untuk meningkatkan taraf hidup penduduk di luar bandar?

- ms 168
- A program rumah murah
  - B bekalan air dan elektrik
  - C penerokaan tanah baharu
  - D Rancangan Buku Hijau

9. Apakah yang disediakan oleh kerajaan untuk penduduk kemiskinan

- dan berpendapatan rendah di bandar?
- ms I. program rumah murah  
168 II. kemudahan kredit  
III. khidmat nasihat  
IV. bantuan biasiswa  
A I dan II  
B I dan IV  
C II dan III  
D III dan IV
10. Matlamat Rancangan Buku Hijau yang dilancarkan oleh Tun Abdul Razak Hussein bertujuan
- ms A memberi bantuan biji benih dan  
169 tanaman  
B menambahkan pendapatan rakyat  
C memasarkan hasil pertanian petani  
D memberi bantuan pinjaman dan khidmat nasihat
11. Apakah tumpuan yang diberikan dalam Rancangan Buku Hijau?
- ms A mempelbagaikan jenis tanaman  
169 B mengusahakan tanaman jangka pendek  
C penggunaan tanah yang sepenuhnya  
D menambah pendapatan masyarakat luar bandar
12. Lembaga Pertubuhan Peladang ditubuhkan bertujuan membantu pekebun kecil, petani dan peladang yang terlibat dalam kegiatan
- ms A koperasi  
169 B pertanian  
C pemasaran  
D perladangan
13. Antara tujuan Lembaga Kemajuan Ikan Malaysia (LKIM) ditubuhkan pada tahun 1971 ialah
- ms A Meningkatkan pendapatan nelayan  
169 B Memberi khidmat nasihat kepada nelayan  
C meningkatkan taraf hidup nelayan  
D Memasarkan hasil tangkapan nelayan
14. Apakah tanaman komersial yang diusahakan oleh FELDA?
- ms A Nanas dan kopi  
170 B Kelapa dan koko  
C Tembakau dan teh  
D Getah dan kelapa sawit
15. FELDA mengadakan kerjasama dengan Sarawak melalui Sarawak Land Consolidation and Rehabilitation Authority (SALCRA) untuk pembukaan ladang
- ms A sagu  
170 B getah  
C lada hitam  
D kelapa sawit
16. Penduduk luar bandar yang miskin dipindahkan ke kawasan FELDA yang baru dibangunkan. Apakah kemudahan yang disediakan oleh FELDA untuk peneroka?
- ms I. Klinik  
170 II. Sekolah  
III. Rumah rehat  
IV. Pengangkutan awam  
A I dan II  
B I dan IV  
C II dan III  
D III dan IV
17. FELDA tidak hanya dikhasakan untuk membantu bumiputera. FELDA juga memberi peluang Kaum Cina dan India menjadi peneroka. Antara FELDA yang menerima peneroka pelbagai kaum seperti
- ms A Felda Umas di Tawau  
171 B Felda Lurah Bilut, Pahang  
C Felda Sahabat di Sandakan  
D Felda Tiga segi Jengka, Pahang
18. Perbadanan Pembangunan Bandar (UDA) ditubuhkan pada tahun 1971 berperanan dalam sektor
- ms A pembangunan insan  
171 B pemilikan modal saham  
C perindustrian kraf tangan  
D pembangunan bandar baharu

19. Apakah tujuan penubuhan Permodalan Nasional Berhad (PNB) pada 17 Mac 1978?
- ms 172 A Menambah pemilikan modal saham bumiputera  
 B Melabur modal dalam industri skala besar  
 C Memupuk semangat melabur dalam kalangan bumiputera  
 D Mengurangkan pemilikan modal saham bukan bumiputera
20. Gambar berikut adalah logo Amanah Saham Nasional dan Amanah Saham Bumiputera.



Amanah Saham Nasional (ASN) dan Amanah Saham Bumiputera (ASB) dilancarkan untuk memudahkan kaum bumiputera memiliki saham dalam.

- ms 172 A Syarikat Trading  
 B Syarikat Berhad  
 C Pasaran Saham  
 D Syarikat Enterprise
21. Industri kecil dan sederhana (IKS) merujuk kepada industri pembuatan barangan menggunakan
- ms 172 A modal yang kecil  
 B bantuan modal kerajaan  
 C bahan mentah tempatan  
 D tenaga buruh separa mahir
22. Apakah langkah diambil oleh kerajaan untuk melahirkan tenaga kerja mahir yang mampu menampung keperluan dalam bidang pertanian dan perindustrian?
- ms 173 A Menubuhkan kementerian pembangunan negara  
 B Menubuhkan institut latihan dan kemahiran  
 C Menubuhkan sekolah teknik dan vokasional  
 D Menubuhkan Bank Pembangunan dan Industri

23. Matlamat Dasar Pembangunan Nasional (DPN) dilaksanakan melalui rancangan
- ms 174 I. Malaysia Kelima  
 II. Malaysia Keenam  
 III. Malaysia Ketujuh  
 IV. Malaysia Kelapan  
 A I dan II  
 B I dan IV  
 C II dan III  
 D III dan IV
24. Matlamat Dasar Pembangunan Nasional (DPN) adalah untuk mencapai perpaduan negara melalui
- ms 174 A kerjasama antara kaum  
 B pengagihan kekayaan  
 C semangat toleransi  
 D wawasan 2020
25. Apakah objektif Dasar Pembangunan Nasional (DPN) dilaksanakan?
- ms 175 A mewujudkan masyarakat yang berdaya saing  
 B mewujudkan masyarakat penyayang  
 C mewujudkan masyarakat perdagangan dan perindustrian  
 D Mewujudkan masyarakat yang bersatu padu
26. Apakah Strategi ekonomi Dasar Pembangunan Nasional (DPN) dalam usaha membasmi kemiskinan dan menyusun semula masyarakat?
- ms 175 A Menyediakan dan menambah baik kemudahan asas  
 B Pembangunan mapan tanpa mengabaikan alam sekitar  
 C Pelibatan aktif pihak swasta dalam pembangunan ekonomi negara.  
 D Mewujudkan masyarakat perdagangan dan perindustrian bumiputera.
27. Bagaimanakah kerajaan berusaha untuk menghapuskan kemiskinan tegar dalam kalangan masyarakat?

- ms 176 A Pemberian subsidi kepada penanam padi dan nelayan  
B Bantuan sara hidup kepada yang berkelayakan  
C Menyediakan pinjaman modal untuk berniaga  
D Memberikan khidmat nasihat kepada petani miskin
28. Antara agensi kerajaan yang terlibat memberi latihan kepada golongan belia ialah  
ms 176 A Institut Kemahiran Belia Negara (IKBN)  
B Institut Latihan Perindustrian (ILP)  
C Institut Kemahiran Mara (IKM)  
D Institut Latihan Baitulmal (ILB)
29. Peniaga bumiputera didedahkan dengan teknologi terbaharu, kemudahan modal, maklumat pasaran dan hubungan perniagaan dalam pasaran antarabangsa bagi membolehkan mereka  
ms 177 A Bersaing di peringkat global  
B bersaing dalam perniagaan moden  
C Menghasilkan produk yang berkualiti  
D Meluaskan pasaran di peringkat antarabangsa
30. Penyusunan semula modal saham dalam sektor korporat terus dilaksanakan di bawah DPN bertujuan  
ms 178 A meningkat hasil pendapat kaum bumiputera  
B merapat jurang ekonomi kaum bumiputera  
C mempertingkatkan saham kaum bumiputera  
D Mengurangkan miskin tegar kaum bumiputera
31. Dasar Penswastaan dilancarkan oleh Tun Dr Mahathir bertujuan  
ms 178 A Mengimbangi pemilikan harta antara kaum  
B Memperhebatkan pembukaan tanah  
C Mengurangkan tanggungjawab kerajaan  
D Mempercepatkan pembangunan ekonomi
32. Antara Penswastaan syarikat perniagaan milik agensi amanah yang dikhaskan untuk bumiputera ialah  
ms 178 I. Majlis Amanah Rakyat (MARA)  
II. Perbadanan Nasional Berhad (PERNAS)  
III. Lembaga kemajuan Tanah Persekutuan (FELDA)  
IV. Perbadanan Kemajuan Filem Nasional Malaysia (FINAS)  
A I dan II  
B I dan IV  
C II dan III  
D III dan IV
33. Apakah tujuan kerajaan meneruskan rancangan pembangunan wilayah yang saling melengkapi antara negeri?  
ms 179 A Memupuk perpaduan nasional  
B Meningkatkan integrasi ekonomi  
C Melahirkan masyarakat yang bertoleransi  
D Mewujudkan masyarakat yang bersatu padu
34. Pencapaian pelaksanaan DEB dan DPN membawa perubahan kepada kemajuan ekonomi serta taraf hidup penduduk dapat dilihat dari aspek sosial seperti  
ms 180 I. peningkatan kualiti hidup  
II. penurunan kadar kemiskinan  
III. Kadar pengangguran belia berkurangan  
IV. Melahirkan masyarakat yang bersatu padu  
A I dan II  
B I dan IV  
C II dan III  
D III dan IV
35. Apakah bukti yang menunjukkan dasar ekonomi yang dilaksanakan oleh kerajaan dan pihak swasta

- memberikan kesan terhadap peningkatan taraf hidup rakyat?
- ms 181 A Lahir golongan pertengahan  
 B Peluang pekerjaan meningkat  
 C Kekayaan negara dinikmati bersama  
 D Saham bumiputera mencapai tiga puluh peratus
36. Pembangunan pendidikan berlaku seiring dengan pembangunan ekonomi. Mengapakah pendidikan tinggi penting kepada rakyat Malaysia?
- ms 182 A Dapat memperbaiki taraf hidup rakyat.  
 B Melahirkan insan yang terbuka minda  
 C Meningkatkan pendapatan rakyat  
 D Mengimbangi pemilikan harta antara kaum
37. Antara tokoh yang membentuk golongan kelas bumiputera komersial yang melibatkan diri dalam sektor korporat ialah
- ms 182 I. Tan Sri Mohd Effendi Norwawi  
 II. Tan Sri Mustapha Kamal  
 III. Tan Sri Annuar Musa  
 IV. Dato' Dr. Ahmad Sarji  
 A I dan II  
 B I dan IV  
 C II dan III  
 D III dan IV
38. Perkembangan ekonomi melalui DEB dan DPN menyebabkan kemunculan beberapa bandar baharu seperti Felda Segitiga Jengka yang berkembang menjadi sebuah bandar dan kemudiannya dikenali sebagai
- ms 184 A Bandar Tun Dr. Ismail  
 B Bandar Tun Abdul Razak  
 C Bandar Tun Hussien Onn  
 D Bandar Tunku Abdul Rahman
39. Kerajaan mewujudkan Zon Perindustrian Bebas iaitu kawasan perdagangan yang diberi pelepasan cukai atau tarif sebagai insentif. Tujuan Zon ini diperkenalkan ialah
- ms 186 I. menarik pelaburan modal  
 II. Mewujudkan bandar terancang  
 III. Membangunkan kawasan perindustrian  
 IV. merangsang ekonomi kawasan sekitarnya  
 A I dan II  
 B I dan IV  
 C II dan III  
 D III dan IV
40. Pelaksanaan DEB dan DPN bertujuan membantu rakyat menikmati kehidupan yang lebih baik. Apakah nilai yang perlu kita ambil hasil kemakmuran yang dikecapi pada hari ini?
- ms 187 A Yakin diri  
 B Bersyukur  
 C Berbangga  
 D Rajin berusaha

**Bahagian B: Soalan Struktur**

1. Dasar Ekonomi Baru (DEB) dilaksanakan di bawah Rancangan Pembangunan Lima sebagai rancangan pembangunan ekonomi dan perpaduan negara.

a. Senaraikan rancangan pembangunan DEB yang dijalankan di bawah DEB.

i. ....

ii. ....

iii. ....

3 markah

b. Nyatakan strategi yang digunakan untuk mencapai matlamat DEB

.....

.....

.....

3 markah

c. Tunjukkan bukti pelaksanaan DEB memberi manfaat kepada semua kaum di negara kita.

.....

.....

.....

.....

4 markah

2. Rangka Rancangan Jangka Panjang Pertama (RRJP1) dan DEB berakhir pada tahun 1990. Usaha yang dilaksanakan melalui DEB diteruskan pula oleh Dasar Pembangunan Nasional (DPN).

a. Apakah objektif Dasar Pembangunan Nasional (DPN)?

.....

.....

2 markah

b. Nyatakan strategi yang digunakan dalam bidang ekonomi Dasar Pembangunan Nasional (DPN) untuk membasmi kemiskinan dan menyusun semula masyarakat.

i. ....

ii. ....

iii. ....

3 markah

c. Senaraikan strategi dalam bidang sosial DPN untuk membasmi kemiskinan dan menyusun semula masyarakat

i. ....

ii. ....

2 markah

d. Sebagai warganegara Malaysia yang patriotik, apakah tindakan yang boleh anda lakukan untuk menyumbang dalam pembangunan ekonomi negara kita?

.....  
.....  
.....  
.....

4 markah

3. Strategi asas DEB diteruskan dalam pelaksanaan DPN, iaitu membasmi kemiskinan serta menyusun semula masyarakat.

a. Jelaskan usaha kerajaan untuk menghapuskan kemiskinan tegar dalam kalangan pelbagai kaum khasnya golongan bumiputera

.....  
.....  
.....  
.....

4 markah

b. Senarai syarikat perniagaan milik agensi amanah yang dikhaskan untuk bumiputera yang telah diswastakan.

i. ....

ii. ....

2 markah

c. Pada pendapat anda, bagaimanakah masalah kemiskinan dalam kalangan masyarakat luar bandar boleh diatasi?

.....  
.....  
.....



Cikgu Rosle

### Bahagian C: Soalan Esei

1. Dasar Ekonomi Baru (DEB) dilaksanakan dengan menggunakan beberapa pendekatan bertujuan melahirkan masyarakat yang bersatu padu melalui agihan ekonomi yang seimbang.
  - a. Huraikan langkah yang dilaksanakan oleh kerajaan dalam usaha meningkatkan taraf hidup rakyat.

8 markah
  - b. Jelaskan tentang Rancangan Buku Hijau yang telah dilancarkan oleh Tun Abdul Razak Hussein pada 20 Disember 1974.

4 markah
  - c. Lembaga Kemajuan Tanah Persekutuan (FELDA) telah ditubuhkan pada 1 Julai 1956 di bawah Ordinan Kemajuan Tanah 1956.  
Berdasarkan pengetahuan sejarah dan pengetahuan am, terangkan usaha FELDA untuk meningkatkan taraf hidup penduduk luar bandar.

8 markah
2. Dasar Ekonomi Baru (DEB) dan DPN membawa perkembangan dalam perindustrian dan perdagangan yang meningkatkan kestabilan ekonomi negara
  - a. Terangkan perindustrian berteknologi tinggi yang diperkenalkan oleh kerajaan dalam Dasar Ekonomi Baru (DEB) dan DPN

4 markah
  - b. Jelaskan tentang
    - i. Taman Teknologi Perindustrian

4 markah
    - ii. Zon Perindustrian Bebas

4 markah
  - c. Pada pandangan anda, bagaimanakah kerajaan berjaya menurunkan kadar kemiskinan dan meningkatkan kualiti rakyat melalui pelaksanaan Dasar Ekonomi Baru (DEB) dan Dasar Pembangunan Nasional (DPN)?

8 markah

Cikgu Rosle